



## **Rekomendasaun sira ba Timor-Leste durante Revizaun Periódika Universál datoluk husi ONU nia Konsellu Direitus Umanus**

**Janeiru 2022**

Dokumentu ida-ne'e halista rekomendasaun hotu-hotu ba Timor-Leste husi ONU nia Estadu-Membru sira ne'ebé hola parte iha diálogu interativu ho Governu Timor-Leste, nu'udar parte husi Revizaun Periódika Universál (UPR) Datoluk ba Timor-Leste, iha ONU nia Konsellu Direitus Umanus iha Jenebra, 27 Janeiru 2022.

Durante diálogu interativu ne'e, Estadu-Membru 77 halo deklarasaun no rekomendasaun 194 hato'o ba Timor-Leste. Timor-Leste sei konsidera rekomendasaun sira ne'e no fó resposta iha tempu adekuaudu, maibé tarde liu mak Konsellu Direitus Umanus nia sesaun da-50.

---

### **RATIFIKASAUN BA INSTRUMENTU INTERNASIONÁL**

- 6.1.** Konsidera atu ratifika instrumentu internasionál, ne'ebé Timor-Leste seidak sai Estadu-membru, inklui Konvensaun kona-ba Direitu ba Ema sira ho Defisiénsia (Jibutí);
- 6.2.** Kontinua atu kumpre konvensaun internasionál kona-ba direitus umanus barak liu (Estadu Palestina);
- 6.3.** Kontinua esforsu sira hodi ratifika instrumentu internasionál kona-ba direitus umanus ne'ebé garante sidadaun sira-nia direitu no impoin pena nesasária ba infratór (Líbia);
- 6.4.** Hametin enkuadramentu garantia sira ba protesaun ho ratifika konvensaun direitus umanus internasionál ne'ebé pendente, inklui Konvensaun kona-ba Direitu ba Ema sira ho Defisiénsia no Konvensaun Internasionál kona-ba Protesaun ba Ema Hotu-Hotu hasoru Desaparesimentu Forsadu (Repúblika Dominikana);
- 6.5.** Ratifika Protokolu Fakultativu Dahuluk ba Paktu Internasionál kona-ba Direitu Sivil no Polítiku (Xipre); (Dinamarca);
- 6.6.** Ratifika Protokolu Fakultativu ba Paktu Internasionál kona-ba Direitu Ekonómiku, Sosiál no Kulturál (Cyprus);
- 6.7.** Konsidera atu ratifika Protokolu Fakultativu ba Konvensaun kontra Tortura, Tratamentu no Kastigu seluk ne'ebé Kruél, Dezumanu ka Hatún Dignidade (Perú);
- 6.8.** Ratifika Protokolu Fakultativu ba Konvensaun kontra Tortura, Tratamentu no Kastigu seluk ne'ebé Kruél, Dezumanu ka Hatún Dignidade (Xipre); (Dinamarca); (Líbanu); (Finlândia); (Luxemburgu);
- 6.9.** Ratifika Konvensaun kona-ba Direitu ba Ema sira ho Defisiénsia no Protokolu Fakultativu ba Konvensaun kontra Tortura, Tratamentu no Kastigu seluk ne'ebé Kruél, Dezumanu ka Hatún Dignidade no implementa konvensaun rua ne'e iha lei doméstika (Ukrânia);
- 6.10.** Konsidera atu ratifika Konvensaun Internasionál kona-ba Protesaun ba Ema Hotu-Hotu hasoru Desaparesimentu Forsadu (Arjentina);
- 6.11.** Halo esforsu hodi ratifika Konvensaun Internasionál kona-ba Protesaun ba Ema Hotu-Hotu hasoru Desaparesimentu Forsadu, Konvensaun kona-ba Direitu ba Ema sira ho Defisiénsia, Protokolu Fakultativu ba Paktu Internasionál kona-ba Direitu Sivil no Polítiku, no Protokolu Fakultativu ba Konvensaun kontra Tortura, Tratamentu no Kastigu seluk ne'ebé Kruél, Dezumanu ka Hatún Dignidade (Xile);
- 6.12.** Konsidera adezaun ba Konvensaun Internasionál kona-ba Protesaun ba Ema Hotu-Hotu hasoru Desaparesimentu Forsadu (Arménia);
- 6.13.** Ratifika Konvensaun Internasionál kona-ba Protesaun ba Ema Hotu-Hotu hasoru Desaparesimentu Forsadu (Irake); (Luxemburgu); (Vanuatu); (Japaun); (Ekuadór); (Méxiku); (Fransa);
- 6.14.** Ratifika Konvensaun Internasionál kona-ba Protesaun ba Ema Hotu-Hotu hasoru Desaparesimentu Forsadu, tuir vontade ne'ebé espresa husi Governu (Espanña);

**6.15.** Kontinua hodi ratifika Konvensaun kona-ba Direitu ba Ema sira ho Defisiénsia (Jeórjia);

**6.16.** Konsidera atu ratifika Konvensaun kona-ba Direitu ba Ema sira ho Defisiénsia (Índia);/ Konsidera atu ratifika Konvensaun kona-ba Direitu ba Ema sira ho Defisiénsia (Nepál); (Senegál);

**6.17.** Halo esforsu hodi ratifika Konvensaun kona-ba Direitu ba Ema sira ho Defisiénsia (Nusar Marxál);

**6.18.** Kompleta prosesu hodi ratifika Konvensaun kona-ba Direitu ba Ema sira ho Defisiénsia (Omán);

**6.19.** Kontinua halo esforsu hodi ratifika Konvensaun kona-ba Direitu ba Ema sira ho Defisiénsia (Pakistaun);/ Kontinua serbisu hodi ratifika Konvensaun Internasionál kona-ba Direitu ba Ema sira ho Defisiénsia, hanesan rekomenda antes (Slovenia);

**6.20.** Aselera prosesu atu ratifika Konvensaun kona-ba Direitu ba Ema sira ho Defisiénsia hodi fó atensaun ba ema ho defisiénsia sira-nia nesiedade (Tailândia);

**6.21.** Aselera esforsu hodi adere ba Konvensaun kona-ba Direitu ba Ema sira ho Defisiénsia, konsistente ho kompromisu tuir Revizaun Periódika Universál sira antes ne'e, inklui estabelese Konsellu Nasionál kona-ba Ema ho Defisiénsia (Austrália);

**6.22.** Mantein reforma sira hodi ratifika ONU nia Konvensaun kona-ba Direitu ba Ema sira ho Defisiénsia (Bulgária);

**6.23.** Duplika esforsu hodi finaliza ratifikasaun Konvensaun kona-ba Direitu ba Ema sira ho Defisiénsia (Nijer);

**6.24.** Reforsa direitu husi ema ho defisiénsia ho adota no finansia planu nasionál ba ema ho defisiénsia, hadi'ak prosesu halibur dadus relasiona ho ema ho defisiénsia, no ratifika Konvensaun kona-ba Direitu ba Ema sira ho Defisiénsia (Nova Zelândia);

**6.25.** Ratifika Konvensaun kona-ba Direitu ba Ema sira ho Defisiénsia (Ejitu); (Luxemburgu); (Vanuatu); (Fransa); (Japaun); (Ekuadór); (Méxiku); (Irake); (Irlanda); (Mosambike); (Namibia); (Reinu Unidu Bretaña-Boot no Irlanda Norte); (Afeganistaun); (Arménia); (Bahamas);

**6.26.** Ratifika Konvensaun kona-ba Direitu ba Ema sira ho Defisiénsia no ninia Protokolu Fakultativu (Itália);

**6.27.** Ratifika Konvensaun kona-ba Direitu ba Ema sira ho Defisiénsia no garante katak "Planu Asaun Nasionál ba Ema ho Defisiénsia" aliña ho Konvensaun tuir nesiedade (Maldivas);

**6.28.** Ratifika Konvensaun kona-ba Direitu ba Ema sira ho Defisiénsia no implementa iha leizlasaun doméstika (Mongólia);

**6.29.** Ratifika Konvensaun kona-ba Direitu ba Ema sira ho Defisiénsia no integra iha lei doméstika (Alemaña);

**6.30.** Ratifika Konvensaun kona-ba Direitu ba Ema sira ho Defisiénsia, enkuantu nota sasukat pozitivu hodi fó protesau ba ema ho defisiénsia (Finlândia);

**6.31.** Ratifika Konvensaun 1954 relasiona ho Estatutu ema ne'ebé la iha nasionalidade, Konvensaun 1961 kona-ba hamenus número ema ne'ebé laiha nasionalidade, Konvensaun kona-ba Munisaun-Fragmentasaun no Tratadu kona-ba Komérsiu Armas (Panamá);

**6.32.** Hadi'ak protesau no promosaun direitu sira husi ema ho defisiénsia no mós sira-nia asesu ba kuidadu saúde, edukasaun no justisa, ho entre sira seluk, konklui prosesu sira hodi ratifika Konvensaun kona-ba Direitu ba Ema sira ho Defisiénsia no aprova planu nasionál ba ema ho defisiénsia ba períodu 2021-2030 (Polónia);

**6.33.** Ratifika Konvensaun kona-ba Direitu ba Ema sira ho Defisiénsia no Protokolu Fakultativu ba Paktu Internasionál kona-ba Direitu Ekonómiku, Sosiál no Kulturál (Portugal);

**6.34.** Prioriza direitus umanus husi ema ho defisiénsia no aselera ratifikasaun Konvensaun kona-ba Direitu ba Ema sira ho Defisiénsia (Repúblika Koreia);

**6.35.** Konklui konsulta preparasaun ho objetivu hodi ratifika Konvensaun kona-ba Direitu ba Ema sira ho Defisiénsia (Brazil);

**6.36.** Ratifika Konvensaun kona-ba Ema Indíjena no Povu Tribál Nú. 169 husi Organizaun Internasionál Traballu (Dinamarca);

---

## KOOPERASAUN HO MEKANIZMU DIREITUS UMANUS ONU NIAN

**6.37.** Buka asisténsia husi Nasoins Unidas no doador sira ho objetivu atu hasa'e kapasidade institusionál hodi implementa didi'ak instrumentu internasionál sira ne'ebé ratifika tiha ona (Maldivas);

**6.38.** Hasa'e kooperasaun ho ONU nia mekanizmu direitus umanus, inklui órgaun tratadu sira (Azerbaijan);

**6.39.** Entrega relatóriu sira ne'ebé tenke entrega ona ba órgaun tratadu sira iha kedas momentu ne'ebé bele (Ukrânia);

**6.40.** Continua kooperasaun ho Konsellu Direitus Umanus no ninia Prosedimentu Espesiál sira (Pakistaun);

**6.41.** Konsidera atu ofereze konvite permanente ba Nasoins Unidas nia prosedimentu espesiál sira no koopera loloos ho sira (Arjentina);

**6.42.** Ofereze konvite permanente ba prosedimentu espesiál sira husi Konsellu Direitus Umanus (Ekuadór);

**6.43.** Ofereze konvite permanente ba parte ne'ebé kaer mandatu prosedimentu espesiál Nasoins Unidas nian no koopera loloos ho sira (Ukrânia);

---

## ENKUADRAMENTU NASIONÁL BA DIREITUS UMANUS

**6.44.** Altera Konstituisaun hodi inklui orientasaun seksuál, identidade jéneru no estatutu interseksu nu'udar razaun hodi bandu diskriminasaun (Méxiku);

**6.45.** Sustenta esforsu ho objetivu atu hametin enkuadramentu nasionál ba direitus umanus (Pakistaun);

**6.46.** Continua implementa programa treinamentu direitus umanus hodi kontribui ba kapasitasaun nasionál hodi fó protesau di'ak liu ba direitus umanus (Azerbaijan);

**6.47.** Adota pasu sira hodi fornese programa kapasitasaun inklui treinamentu fokalizada ba ajente sira ne'ebé aplika lei (Malázia);

**6.48.** Konsidera atu adota planu asaun nasionál ba direitus umanus (Líbanu);

**6.49.** Konsidera atu adota Planu Asaun Nasionál integradu ba Direitus Umanus hodi koordena implementasaun ba Planu Asaun Nasionál sira ho tema oioin iha rai laran (Malázia);

**6.50.** Halo esforsu hodi dezenvolve no adota planu asaun nasionál kona-ba direitus umanus (Perú);

**6.51.** Elabora no adota planu asaun nasionál kona-ba direitus umanus (Luxemburgu);

**6.52.** Dezenvolve Planu Asaun Nasionál ba Protesau no Promosaun Direitus Umanus (Namíbia);

---

## EMA LGBTIQ+ SIRA-NIA DIREITU

**6.53.** Adota lejislasaun abranjente ne'ebé bandu diskriminasaun bazeia ba orientasaun seksuál, identidade jéneru no identidade no espresaun jéneru, no karakterístika seksu (Izlándia);

**6.54.** Promove ema LGBTIQ+ sira-nia direitu ho enkuadramentu lejislativu ne'ebé fó protesau no bandu diskriminasaun bazeia ba orientasaun seksuál no identidade jéneru (Nova Zelándia);

**6.55.** Adota polítika no medida sira hodi enkoraja no hasa'e partisipasaun significativa ba ema LGBTIQI iha prosesu foti desizaun no lideransa iha nível nasionál no sub-nasionál (Olanda);

**6.56.** Implementa medida konkreta ho objetivu atu promove direitu iguál iha lei nia okos ba ema LGTBI (Repúblika Dominikana);

6.57. Dezenvolve no adota medida legál no administrativa hodi investiga aktu diskriminasaun, estigmatizasaun no violénsia hasoru ema ne'ebé bazeia ba orientasaun seksuál, identidade jéneru no identidade no espresaun jéneru, no karakterístika seksu no garante katak ema sira bele hetan asesu di'ak ba remédiu bainhira iha violasaun hasoru sira-nia direitu (Arjentina);

6.58. Rekoñese no permite kazamentu entre ema sira ho seksu hanesan, dezenvolve medida legál sira hodi proteje hasoru diskriminasaun bazeia ba orientasaun seksuál no identidade jéneru, no garante atu oferese treinamentu apropriadu kona-ba jéneru iha Ministériu hotu-hotu no ajénsia sira ne'ebé aplika lei (Kanadá);

---

## DIREITU BA AMBIENTE IDA NE'EBÉ SEGURU, MOOS, SAUDAVEL NO SUSTENTÁVEL

6.59. Hametin esforsu sira hodi garante feto sira, labarik, ema ho defisiénsia no comunidade lokál sira-nia partisipasaun bainhira dezenvolve no implementa polítika sira kona-ba mudansa klimátika no hamenus risku dezastre (Fijí);

6.61. Implementa polítika sira hodi prevene no kombat mudansa klimátika no hamenus risku dezastre naturál no mós kontinua atu promove asaun globál hodi konserva ambiente (Vanuatu);

6.60. Integra abordajen bazeia ba direitu sira iha polítika mitigasaun klima no planu sira hodi hamenus risku dezastre (Xipre);

6.62. Implementa medida sira ne'ebé efikás ba adosaun no hamenus risku dezastre ne'ebé facilita protesauun adekuada ba ema sira hasoru impaktu husi krize klima (Mongólia);

---

## LIBERDADE HUSI TORTURA NO TRATAMENTU AAT

6.65. Garante katak definisaun ba tortura ne'ebé hatuur ona iha Artigu 167 husi Kódigu Penál korresponde ho Artigu 1 husi Konvensauun kontra Tortura, Tratamentu Kastigu seluk ne'ebé Kruél, Dezumanu ka Hatún Dignidade no garante katak iha sansaun loloos ba krime ne'e (Méxiku);

6.66. Dezenvolve planu nasionál ba prevensaun tortura (Suisa);

6.67. Kontinua esforsu sira hodi prevene abuzu husi ajente sira ne'ebé aplika lei bainhira sira hala'o sira-nia knar, hodi mantein orden maibé iha momentu hanesan respeita direitus umanus (Xile);

---

## ASESU BA JUSTISA

6.68. Hametin esforsu husi komisaun anti-korrupsauun hodi lori ema ba tribunál no hasa'e ninia independénsia husi kontrolu governu (Estadus Unidus Amérika);

6.72. Adota medida sira ne'ebé nesesáriu hodi kontinua hamenus instánsia nia durasaun iha tribunál sira-nia oin (Angola);

6.69. Kontinua atu hametin sistema justisa hodi hadi'ak ai-riin importante tebes iha estadu demokrátika konstitusionál (Kabuverde);

6.73. Kontinua atu hadi'ak kapasidade husi ajente sira ne'ebé aplika lei no judisiáriu hodi promove asesu ba justisa ba ema hotu-hotu (Indonézia);

6.70. Kontinua esforsu kapasitasaun iha área justisa no judisiáriu (Omán);

6.74. Garante atu fahe ba públiku tomak no implementa loloos no efetivamente rekomendasaun sira husi Komisaun Simu-Malu, Lia-Loos no Rekonsiliaun no Komisaun Lia-loos no Amizade kona-ba vítima sira-nia direitu ba justisa, lia-loos no reparasaun (Montenegro);

6.71. Halo reforma ba setór justisa, dezenvolve instituisaun judisiál sira no hadi'ak asesu ba justisa ba vítima sira (Fransa);

---

## LIBERDADE BA ESPRESAUN

**6.75.** Garante katak Lei Difamasaun Kriminál, Lei kontra Siberkrime, no Lei kona-ba Privasidade no Protesaun Dadus ne'ebé propoin daudaun la hatuur restrisaun la nesesáriu ba direitu ba liberdade espresaun, tantu *online* no *offline* (Kanadá);

**6.76.** Labele aprova lei foun sira ne'ebé bele hatuur restrisaun la nesesáriu ba liberdade espresaun ka asosiasaun (Estadus Unidus Amérika);

**6.77.** Revee Lei Komunikaun Sosiál hodi garante katak lei ne'e korresponde ho padraun internasionál no prátika di'ak relaciona ho ezersísiu direitu ba liberdade espresaun (Uruguai);

**6.78.** Kontinua atu garante liberdade espresaun (Fransa);

**6.79.** Garante ambiente ne'ebé seguru no favoravel, iha lei no iha prátika, ba ema sira ne'ebé defende direitus umanus no jornalista sira hodi hala'o sira-nia serbisu sein ta'uk ba aktu intimidasaun ka reprezalias (Uruguai)

;

---

## DIREITU BA LIBERDADE NO SEGURANSA – TRABALU FORSADU NO TRÁFIKU UMANU

**6.80.** Estabelese medida sira hodi fó protesau lejizlativa no programatika hodi proteje labarik sira hasoru diskriminasaun, traballu infantíl, traballu forsadu, tráfiiku umanu, tráfiiku no esplorasau seksuál (Botsuana);

**6.81.** Kontinua esforsu sira hodi hametin mekanizmu nasional sira hodi kombaté tráfiiku umanu no fó apoiu ba vítima sira (Repúblika Árabe Síria);

**6.82.** Fó treinamentu no rekursu adekuaudu ba ofisiál relevante hotu-hotu iha liña oin ho nune'e sira bele identifika loloos vítima sira husi tráfiiku umanu no oferese asisténsia apropiada ba vítima sira (Reinu Unidu Bretaña-Boot no Irlanda Norte);

---

## DIREITU BA SERBISU NO SEGURANSA SOSIÁL

**6.83.** Kontinua esforsu hodi fó oportunidade edukasaun no treinamentu hodi hametin traballadór Timoroan sira-nia kapasidade, liuliu ema joven no dezempregadu (Arjélia);

**6.84.** Kontinua hametin polítika sosiál sira ne'ebé forte hodi favorese povu no foka ba ema sira ne'ebé vulneravel liu hotu (Repúblika Bolivariana Venezuela);

**6.86.** Garante alokasaun rekursu sira ne'ebé suficiente ba programa sira kona-ba protesau sosiál ne'ebé foka ba grupu vulneravel oioin (Filipinas);

---

## DIREITU BA PADRAUN MORIS NE'EBÉ ADEKUADU – AI-HAN & BEE

**6.63.** Kontinua atu promove dezenvolvimentu ekonómiku no sosiál ne'ebé sustentável, duplika esforsu sira hodi hamenus kiak hodi hadi'ak povu nia padraun moris (Xina);

**6.64.** Efetivamente implementa planu asaun nasional ne'ebé foin elabora ho hametin advokasia ba sensibilizasaun no garante asesu ba planu ne'e ba populasaun sira ne'ebé vulneravel liu hotu, inklui sira ne'ebé hela iha área rural (Repúblika Koreia);

**6.85.** Garante finansiamentu adekuaudu iha orsamentu nasional hodi fó seguransa ai-han, bee moos no kuidadu saúde, inklui ba ema sira ne'ebé hela iha área rural no tuir planu no iniciativa sira iha nivel nasional (Bahamas);

**6.87.** Kontinua esforsu sira hodi halakon malnutrisaun enkuantu hadi'ak povu nia padraun moris (Nepál);

**6.88.** Kontinua implementa estratéjia no planu nasionál hodi halakon kiak, hamlaha no malnutrisaun (Kuba);

**6.89.** Intensifika luta hasoru malnutrisaun no aas la to'o ba labarik sira liuliu durante infánsia no primeira infánsia ho foka ba apoiu no edukasaun ba ema no grupu sira iha situasaun vulneravel (Alemaña);

**6.90.** Duplika esforsu sira hodi garante asesu ba bee moos no saneamentu ba populasaun tomak (Brazil);

**6.91.** Hasa'e asesu ba bee moos no saneamentu, liuliu iha área rurál (Vanuatu);

---

## DIREITU BA SAÚDE

**6.92.** Kontinua serbisu hodi hadi'ak asesu ba facilidade kuidadu saúde no servisu sira iha área rurál (Brunei Darussalam);

**6.93.** Dezenvolve asaun sira hodi haluan asesu ba servisu kuidadu saúde ho kualidade di'ak, liuliu iha área rurál no remota (Kuba);

**6.94.** Kontinua esforsu sira hodi garante asesu iguál ba servisu saúde ho kualidade di'ak iha rai laran tomak, iha área urbana no mós área rurál (Jibutí);

**6.95.** Duplika esforsu sira hodi garante ema sira bele goza loloos direitu ba saúde, liuliu ho hametin servisu kuidadu saúde hodi hamenus mortalidade inan nian; no haluan asesu ba imunizasaun, liuliu ba populasaun ne'ebé hela iha área rurál; no hadi'ak labarik sira-nia nutrisaun (Arménia);

**6.96.** Intensifika esforsu sira hodi hadi'ak servisu kuidadu saúde no infraestrutura iha nivel nasionál, no mós pesoal saúde sira-nia kapasidade, liuhosi kooperasaun bilaterál no rejionál, hodi garante asesu ba kuidadu saúde no hamenus aas la to'o, liuliu iha área rurál (Indonézia);

**6.97.** Garante katak fetu, labarik, comunidade rurál no ema sira ne'ebé hela iha situasaun vulneravel hetan prioridade iha Timor-Leste nia medida sira ba rekuperasaun ekonómika COVID-19 nian, inklui asesu di'ak liu ba kuidadu saúde, edukasaun no reseita adekuada (Austrália);

**6.98.** Adota pasu sira tuir mai hodi promove grupu vulneravel sira-nia direitu atu goza direitus umanus, liuliu elabora no implementa planu nasionál ba rekuperasaun inkluziva husi pandemia COVID-19 (Vietname);

**6.99.** Hasa'e servisu kuidadu saúde sira-nia kobertura no asesibilidade, liuliu hodi garante asesu ba kuidadu saúde no direitu seksuál no direitu reprodutivu ba populasaun ne'ebé hela iha área remota (Luxemburgu);

**6.100.** Adota medida sira hodi hametin sistema saúde públiku, inklui hasa'e disponibilidade husi servisu saúde no informasaun kona-ba saúde seksuál no reprodutiva, no mós servisu saúde mentál, ne'ebé adapta ba ema joven sira-nia nesiedade (Uruguai);

**6.101.** Implementa kompromisu ne'ebé halo iha Simeira Nairobi ba Konferénsia Internasionál kona-ba Populasaun no Dezenvolvimentu hodi hametin programasaun nasionál HIV no polítika prevensaun sira ne'ebé inklui ativamente provove prezervativu, alende grupu populasaun alvu sira no foka ba joven sira, no mós sensibilizasaun kona-ba informasaun prevensaun HIV nian bazeia ba evidénsia ba populasaun jerál (Panamá);

**6.102.** Hasa'e disponibilidade servisu saúde no informasaun saúde seksuál no saúde reprodutiva ne'ebé laiha diskriminasaun no adapta tiha ona ba ema joven sira-nia nesiedade, inklui kona-ba HIV no moras sira seluk ne'ebé hada'et husi relasaun seksuál, no hasa'e asesu ba métodu planeamentu familiár ne'ebé modernu (Portugál);

**6.103.** Hasa'e disponibilidade servisu no informasaun ne'ebé amigavel ba joven kona-ba saúde seksuál no saúde reprodutiva, inklui kona-ba HIV, infesaun ne'ebé hada'et liuhosi relasaun seksuál no asesu ba servisu planeamentu familiár (Olanda);

**6.104.** Dekriminiliza abortu no hasa'e asesibilidade servisu saúde seksuál reprodutiva iha área remota (Izlândia);

**6.105.** Dekriminiliza interruptsaun ba gravidés voluntáriu iha kazu violasaun seksuál, inestu ka defisiénsia fetal grave (Méxiku);

**6.106.** Promove ho lailais kedas reforma ba Kódigu Penál, hodi dekriminiliza abortu iha kazu violasaun seksuál, inestu no malformasaun grave fetu nian (Espanña);

---

## DIREITU BA EDUKASAUN

**6.107.** Kontinua implementa Planu Estratéjia Nasionál ba Edukasaun 2011-2030 hodi garante ema hotu-hotu nia asesu tomak no inkluzivu ba edukasaun (Repúblika Demokrátika Populár Laos nian);

**6.108.** Hasa'e persentajen iha orsamentu nasional ne'ebé dedikadu ba edukasaun tuir Objektivu Dezenvolvimentu Sustentavel 4 (Suisa);

**6.109.** Garante direitu ba edukasaun ba labarik hotu-hotu ho hasai disparidade ne'ebé eziste daudaun kona-ba asesu ba edukasaun entre área urbana no área rural (Líbanu);

**6.110.** Mantein esforsu no dezenvolvimentu iniciativa edukasionál hodi haluan kobertura husi programa alfabetizasaun no kontinuidade edukasaun ba labarik no adultu (Kuba);

**6.111.** Hadi'ak infraestruturá iha eskola sira iha área remota hodi garante asesu ba edukasaun ba ema hotu-hotu (Repúblika Unida Tanzánia);

**6.112.** Kontinua esforsu sira relasiona ho edukasaun, adota polítika sira hodi hasa'e asesu ba labarik sira husi área urbana no área rural, no garante inkluziun iha edukasaun ba labarik-feto no labarik ho defisiénsia (Estadu Palestina);

**6.113.** Halo esforsu sira hodi garante asesu ba edukasaun ba segmentu hotu-hotu husi populasauun iha rai laran tomak (Senegál);

**6.114.** Hadi'ak infraestruturá eskola nian ho objetivu hodi hetan matríkula boot liu iha área rural no iha ensinu sekundáriu (Polónia);

**6.115.** Promove edukasaun ba labarik no joven sira ho hadi'ak edukasaun nia asesibilidade no prezensa iha área rural sira, hasa'e investimentu, no adota pasu sira tuir mai hodi halakon kastigu korporál iha eskola (Nova Zelândia);

**6.116.** Garante asesu ba bee moos no saneamentu iha área rural, liuliu fatin eskola, prevene estudante sira ne'ebé husik eskola, liuliu labarik-feto (España);

**6.117.** Hasa'e investimentu ba rekursu umanu, tékniku no finanseiru ne'ebé nesesáriu hodi hametin no hadi'ak sistema edukasaun no infraestruturá, no fó treinamentu direitus umanus ba profesór sira (Fijí);

**6.118.** Kontinua desenvolve polítika hodi fó treinamentu ba profesór sira liuhosi Institutu Nasionál ne'ebé fó treinamentu ba Profesór sira no Profisionál Edukasaun (Sudaun Súl);

---

## FETO SIRA-NIA DIREITU

**6.119.** Kontinua konsolida susesu sira hodi promove feto sira-nia direitu no bein-estar, liuhosi polítika nasional no planu asaun kona-ba igualdade jéneru (Repúblika Dominikana);

**6.120.** Promove igualdade jéneru no proteje di'ak liután grupu vulneravel sira-nia direitu, hanesan feto no labarik (Xina);

**6.121.** Kontinua esforsu sira hodi hasa'e feto sira-nia partisipasaun iha nivel nasional, rejional no lokal (Bulgária);

**6.122.** Adota medida hodi hasa'e persentajen feto sira ho serbisu formál no hasa'e feto sira-nia asesu no kontrolu ba rekursu no ativu produtivu (Alemaña);

**6.123.** Kontinua atu adota medida espesífika hodi hasa'e feto sira-nia partisipasaun iha prosesu foti desizaun polítika (Angola);

**6.124.** Kontinua hametin feto sira-nia papél importante iha funsaun públika Timor-Leste (Repúblika Bolivariana Venezuela);

**6.125.** Hasa'e oportunidade ba feto sira no hametin feto sira-nia kapasidade hodi participa igualmente iha kadeia abastesimentu no merkadu, no hasa'e feto sira-nia asesu no kontrolu ba rekursu no ativu produtivu (Slovenia);

**6.126.** Intensifika esforsu sira hodi prevene no fó atensaun ba violénsia hotu-hotu kontra feto no labarik sira inklui liuhosi kampaña sensibilizasaun no kapasitasaun ba sira ho responsabilidade (Filipinas);

**6.127.** Kontinua serbisu hodi hametin enkuadramentu legál no adota medida efetiva hodi fó atensaun ba violénsia bazeia ba jéneru (Jeórjia);

**6.128.** Implementa medida adisionál hodi hamenus violénsia seksuál no violénsia bazeia ba jéneru ho ninia forma hotu-hotu no apoia vítima sira husi violénsia (Austrália);

**6.129.** Konsidera medida adisionál hodi promove igualdade jéneru no hapara violénsia bazeia ba jéneru, inklui asesu ba servisu saúde reprodutiva ne'ebé seguru (Índia);

**6.130.** Duplika esforsu sira hodi kombat violénsia bazeia ba jéneru no promove igualdade jéneru, inklui liuhosi programa sensibilizasaun (Fransa);

**6.131.** Hametin esforsu sira hodi fó atensaun ba violénsia kontra feto, labarik no ema hotu-hotu bazeia ba sira-nia orientasaun seksuál no identidade jéneru, inklui medida sira hodi prevene violénsia no apoia vítima sira, no mós halakon obstákulu sira ne'ebé prevene asesu ba justisa (Fiji);

**6.132.** Kontinua esforsu sira hodi kombat violénsia bazeia ba jéneru, liuliu violénsia kontra feto no labarik-feto (Mosambike);

**6.133.** Intensifika esforsu sira hodi fó atensaun ba violénsia bazeia ba jéneru no garante katak vítima sira husi violénsia bazeia ba jéneru simu apoiu no servisu adekuaadu (Tailândia);

**6.134.** Implementa loloos no kumpre Planu Asaun Nasionál kontra Violénsia Bazeia ba Jéneru, inklui aloka rekursu finansieiru ne'ebé nesésáriu hodi fornese servisu prinsipál sira ba vítima no hametin instituisaun legál sira hodi garante atu hala'o prosesu kriminal ne'ebé apropriadu ba kazu sira ne'ebé envolve violénsia kontra feto no labarik-feto (Kanadá);

**6.135.** Serbisu ho sosiedade sivíl no autoridade lokál hodi fó atensaun ba violénsia bazeia ba jéneru, inklui violénsia doméstika no violénsia seksuál, no aloka fundu suficiente ba Polísia Nasionál nia Unidade Ema Vulneravel (Estadus Unidos América);

**6.136.** Kontinua esforsu sira hodi fó atensaun ba violénsia kontra feto no labarik-feto, inklui ho hasa'e koñesimentu no disponibilidade servisu esensial ba vítima sira no ho hametin polísia no profesionál legál sira-nia kapasidade hodi serbisu hamutuk no fó apoiu ba vítima sira (Alemaña);

**6.137.** Aloka rekursu suficiente hodi enfrenta kestaun violénsia bazeia ba jéneru, hodi realiza kompromisu sira ne'ebé relaciona ho violénsia bazeia ba jéneru, inklui responde ba violénsia bazeia ba jéneru durante pandemia COVID-19 no garante fornese servisu prinsipál sira ba vítima sira (Reinu Unidu Bretaña-Boot no Irlanda Norte);

**6.138.** Garante keixa kriminal hotu-hotu ne'ebé envolve violénsia kontra feto no labarik-feto tenke hetan investigasaun kle'an no lori ba tribunál tuir lei (Islândia);

**6.139.** Garante katak kazu hotu-hotu ne'ebé envolve violénsia bazeia ba jéneru no violénsia doméstika hetan investigasaun kle'an no tenke lori autór krime ba tribunál no fó kastigu adekuaadu (Bélgika);

**6.140.** Promove esforsu sira hodi hametin mekanizmu sira hodi halo relatóriu, investigasaun, prosekusaun, prosesu determina sentensa no kondensaun ba violénsia bazeia ba jéneru, liuliu kona-ba kazu sira ne'ebé envolve violénsia doméstika (Xile);

**6.141.** Foti pasu adisionál hodi fó atensaun ba violénsia bazeia ba jéneru, entre sira seluk, garante katak keixa kriminal kona-ba violénsia kontra feto no labarik-feto tenke hetan investigasaun kle'an (Ukrânia);

**6.142.** Hametin luta kontra violénsia jéneru ho fornese rekursu suficiente hodi lori autór sira ba tribunál, no mós garante vítima sira-nia direitu, no mós lei pozitivu tenke iha autoridade aas liu duké lei kostumeiru. Planu foun, ne'ebé inklui apoiu orsamentu ne'ebé nesésáriu, no tuir mai reforma sira ne'ebé korresponde, hodi la'o ba oin (Espanña);

**6.143.** Adota medida sira hodi fasilita asesu ba justisa, inklui vítima sira husi violénsia seksuál no violénsia bazeia ba jéneru (Xipre);

**6.144.** Fó protesaun boot liután ba vítima violénsia doméstika (Omán);

**6.145.** Lansa filafali inisiativa hodi kria fundu fidusiáriu ne'ebé sei permite finansiamentu internasionál ba kompensasaun ne'ebé fó ba vítima sira husi violénsia bazeia ba jéneru no sira-nia oan, ne'ebé seidak simu assisténsia adekuaada husi Estadu (Ekuadór);



**6.146.** Fó asesu universál ba servisu sira ho kualidade di'ak ba vítima violénsia bazeia ba jéneru, liuliu iha área rurál (Islândia);

**6.147.** Hasa'e disponibilidade servisu esensial sira ba vítima violénsia bazeia ba jéneru hanesan feto sira-nia uma-mahon no apoiu médiku no psiko-sosiál, liuliu iha área rurál (Béljika);

**6.148.** Adota lejjzlasaun hodi kriminaliza violasaun seksuál iha kazamentu laran no inestu (Irlanda);

**6.149.** Hametin esforsu sira hodi halakon violénsia doméstika liuhosi lejjzlasaun no hasa'e programa sensibilizasaun (Indonézia);

**6.150.** Hametin esforsu sira ne'ebé kontínuu hodi prevene no kombate violénsia no abuzu hasoru feto no labarik-feto, inklui violénsia doméstika no prátika prejudisiál, hanesan kazamentu infantíl, kazamentu sedu no kazamentu forsadu (Itália);

**6.151.** Kontinua atu hametin medida sira hodi kombate violénsia bazeia ba jéneru hasoru feto no labarik-feto, inklui violénsia husi parseiru íntimu, no hasa'e apoiu ba vítima violénsia bazeia ba jéneru (Japaun);

**6.152.** Kriminaliza violasaun seksuál iha kazamentu laran no inestu nu'udar krime espesífiku (Luxemburgu);

**6.153.** Kontinua esforsu sira hodi fó atensaun ba violénsia kontra feto no labarik-feto, inklui garante asesu ba justisa liuhosi treinamentu judisiál no institusionál kona-ba sensibilizasaun ba violénsia bazeia ba jéneru no resposta sira (Malázia);

**6.154.** Fó atensaun ba kestaun dezigualdade jéneru ho implementa polítika no prátika hodi hamenus violénsia doméstika no diskriminasaun seluk hasoru feto no labarik-feto (Nova Zelândia);

---

## LABARIK SIRA-NIA DIREITU

**6.155.** Kontinua atu implementa polítika relasiona ho sistema protesaun ba labarik (Nijer);

**6.156.** Lori servisu rejistu moris besik liu ba benefisiáriu sira, liuliu iha área rurál, enkuantu halo prosesu administrativa efetivu liu no baratu liu (Sérvia);

**6.157.** Aprova lejjzlasaun abranjente kona-ba labarik sira-nia direitu (Afganistaun);

**6.158.** Intensifika esforsu sira hodi fó atensaun ba obstákulu sira ne'ebé enfrenta Komisaun kona-ba Labarik nia Direitu relasiona ho rekursu umanu no rekursu finanseiru ne'ebé la suficiente (Repúblika Árabe Síria);

**6.159.** Adota medida hotu-hotu ne'ebé nesasáriu hodi kombate dezafiu sira ne'ebé enfrenta komité sira ne'ebé tau matan ba labarik sira-nia direitu no fó rekursu umanu no rekursu finanseiru ba sira (Líbia);

**6.160.** Adota no efektivamente implementa Planu Asaun Nasionál hodi halakon traballu labarik ho forma sira nebe aat liu (Béljika);

**6.161.** Halo esforsu sira hodi kombate violénsia hotu-hotu, esplorasaun traballu, abuzu no abandonu ba labarik sira (Fransa);

**6.162.** Aselera medida sira hodi hamenus explorasaun no diskriminasaun ba labarik sira no adolexente sira iha área rurál hodi kombate no halakon traballu labarik nian iha atividade agrikultura (Xile);

**6.163.** Adota medida sira hodi kombate violénsia fízika no violénsia emosional ne'ebé aas kontra labarik iha uma laran no fatin edukasionál, no konsidera atu desenvolve servisu públiku espesializadu hodi apoia labarik no adolexente ne'ebé sai vitima abuzu (Perú);

**6.164.** Hametin protesaun ba labarik ho hadi'ak asesu ba ensinu sekundáriu, liuliu ba labarik-feto, no hametin lei traballu ho inklui lista serbisu perigozu ne'ebé bandu, no hasa'e protesaun ba labarik sira ne'ebé serbisu iha kintál rurál no kintál no empreza ne'ebé pertense ba família (Kanadá);

**6.165.** Adota polítika sira iha enkuadramentu Konvensaun kona-ba Halakon Diskriminasaun Hotu-hotu Kontra Feto hodi halakon estereótipu diskriminatóriu, prátika prejudisiál hanesan hafolin (barlake), kazamentu infantíl no/ka kazamentu forsadu no poligamia (Arjentina);

**6.166.** Adota medida adisionál sira hodi prevene no halakon kazamentu sedu iha rai laran tomak (Kabuverde);

**6.167.** Adota medida efetiva no kontinua kampaña sensibilizasaun hodi fó atensaun ba kazu kazamentu sedu (Azerbaijan);

**6.168.** Reforsa medida sira ho objetivu hodi halakon kazamentu sedu (Mosambike);

**6.169.** Konsidera atu halakon kazamentu infantíl ho estabese idade mínima tinan 18 ba kazamentu ba labarik-mane no labarik-feto, sein exesaun (Nusar Marxál);

**6.170.** Intensifika esforsu sira hodi hasa'e konxiénsia públiku kona-ba konsekuénsia sira husi kazamentu sedu ho objetivu hodi hamenus kazamentu sedu, no konsidera atu hasa'e idade legál ba kazamentu ba tinan 18 (Polónia);

**6.171.** Kontinua medida polítika no lejislativu ne'ebé progresivu hodi promove no proteje labarik sira-nia direitu hanesan kriminaliza kazamentu infantíl no dezenvolve sistema justisa juveníl ne'ebé abranjente (Índia);

**6.172.** Kontinua esforsu sira hodi kombaté kazamentu infantíl tuir Konvensaun kona-ba Labarik nia Direitu (Ejitu);

**6.173.** Aselera pasu sira hodi dezenvolve sistema justisa juveníl ne'ebé abranjente (Ukránia);

**6.174.** Adota medida hotu-hotu ne'ebé nesésariu hodi garante asesu ba ai-han no nutrisaun ne'ebé suficiente, sustentavel, ba tempu naruk no seguru ba labarik sira hodi kontra número aas entre labarik sira ho dezenvolvimentu atrazadu, liuliu sira ne'ebé seidak to'o tinan 5 (Espania);

**6.175.** Duplika esforsu sira hodi hadi'ak labarik sira-nia nutrisaun no seguransa ai-han (Filipinas);

**6.176.** Asina Deklarasaun kona-ba Labarik, Joven no Asaun Klima, no garante katak igualdade jéneru no grupu marjinalizadu sira-nia direitu hetan konsiderasaun adakuada iha polítika hotu-hotu kona-ba klima no tranzisaun loloos, no ema sira bele partisipa iha dezisaun ne'ebé afeta sira (Panamá);

**6.177.** Esplisitamente bandu kastigu korporál iha fatin hotu-hotu no adota medida nesésariu hodi prevene kastigu hanesan ne'e (Montenegro);

**6.178.** Intensifika esforsu sira hodi halakon loloos kastigu korporál hasoru labarik sira iha uma laran, eskola no fatin kuidadu alternativu no fatin tau matan ba labarik, ho esplisitamente bandu kastigu korporál iha lejislasaun nasional (Nusar Marxál);

**6.179.** Adota medida sira hodi fasilita labarik sira atu goza loloos sira-nia direitu tomak, no bandu kastigu korporál hotu-hotu (Itália);

**6.180.** Hametin medida sira ne'ebé spesifikamente bandu kastigu korporál ba labarik sira (República Dominicana);

**6.181.** Esplisitamente bandu kastigu korporál ba labarik sira no adota pasu konkretu hodi garante katak labarik hotu-hotu, inklui labarik-feto, iha asesu ba edukasaun no hamenus malnutrisaun no adolexente ne'ebé sai isin-rua ne'ebé iha nivel aas (Portugal);

---

## EMA HO DEFISIÉNSIA SIRA-NIA DIREITU

**6.182.** Estabese Konsellu Nasionál ba Ema ho Defisiénsia hodi fó konsellu no apoiu ba Ministériu sira ne'ebé relevante ho responsabilidade ba kestaun sira ne'ebé afeta ema ho defisiénsia (Irlanda);

**6.183.** Kontinua atu dezenvolve enkuadramentu legál nasional no estratéjia sira hodi promove no proteje grupu marjinalizadu no grupu vulneravel sira-nia direitu, inklui feto, labarik no ema ho defisiénsia (República Democrática Populár Laos nian);

**6.184.** Kontinua esforsu sira hodi garante katak ema ho defisiénsia no grupu vulneravel sira iha asesu ba aspetu hotu-hotu husi vida polítika no ekonómika no garante sira-nia asesu ba servisu públiku báziku (Líbia);

**6.185.** Duplika esforsu sira hodi finaliza ezbosu lei ba konsellu nasional ba ema ho defisiénsia, hodi hametin planu asaun nasional ba ema ho defisiénsia (Sudaun Súl);

**6.186.** Integra feto sira-nia direitu iha lejislasaun ho abranjente no fó atensaun partikulár hodi proteje feto no labarik-feto ho defisiénsia sira-nia direitu (Vanuatu);

**6.187.** Hasa'e esforsu sira, inklui aloka rekursu barak liu, hodi implementa planu asaun nasionál hodi promove ema ho defisiénsia sira-nia direitu ba períodu 2021-2030, tuir Konvensaun kona-ba Direitu ba Ema sira ho Defisiénsia (Vietname);

**6.188.** Duplika esforsu sira hodi implementa konsellu nasionál ba ema ho defisiénsia hodi hametin planu asaun nasionál ba ema ho defisiénsia (Arjélia);

**6.189.** Investiga relatóriu sira kona-ba violénsia kontra fetu no labarik sira ho defisiénsia, no garante atu lori autór sira ba justisa (Botsuana);

**6.190.** Kontinua hodi promove edukasaun inkluziva ho nune'e ema sira ho nesiedade espeisial kontinua goza direitu sira ne'ebé hanesan iha eskola (Brunei Darussalam);

**6.191.** Kontinua esforsu sira hodi hasa'e efetividade husi polítika nasionál sira relasiona ho ema ho defisiénsia, inklui asesu ba edukasaun, asesu ba servisu públiku, no oportunidade empregu (Arjélia);

**6.192.** Proteje direitu ba edukasaun ba ema hotu-hotu ne'ebé iha defisiénsia (Mongólia);

---

## EMA INDÍJENA SIRA-NIA DIREITU

**6.193.** Konsidera atu adota programa sira ho objetivu atu proteje no revitaliza lian indíjena sira ne'ebé iha risku atu lakon (Perú);

---

## EMA NE'EBÉ BUKA AZILU

**6.194.** Garante kumprimentu ho prinsípiu sira kona-ba non-refoulement ho garante katak ema hotu-hotu- ne'ebé buka azilu hetan asesu ba prosedimentu azilu ne'ebé justu no efikás, inklui asesu ba informasaun relevante, interpretaun, no servisu legál sira (Afganistaun).